



Hr. Inatsisartunut ilaasortaq Karl Lyberth

/Maani

### § 36 apeqqut nr. 225 UKA 2010

Inatsisartut suleriaasianni § 36 naapertorlugu apeqquteqarsimavutit umiarsuarni aqumiut nunaqavissut nunanilu allamiut qassiunerinut tunngasunik.

#### Apeqquut:

- 1) Royal Greenland-ip kilisaataataani aqumiut nunanit allamiut qanoq amerlatigippat?
- 2) Royal Greenland-ip kilisaataataani aqumiut nunatsinni "najugaqavissut" qanoq amerlatigippat?
- 3) Kilisaatini allani nunatsinni angerlarsimaffeqartuni, soorlu Polar Seafood-imik pigineqartuni, aqumiut nunatsinni "najugaqavissut" qanoq amerlatigippat?
- 4) Imarsiornermut Ilinniarfimmi Naalajanngorniat Ilinniarfianni aalisariutini naalagassatut naammassinikut tamarmik qanoq amerlatigippat?

#### Akissut:

Inuttalersuisarnermut pissutsit aalajangersarsimapput Kalaallit aalisariutaataanni inuttalersuineq pillugu Namminersornerullutik Oqartussat nalunaarutaanni nr. 35, 28. oktober 1993-imeersumi. Nalunaarummi tassani § 2-mi piumasaqaatigineqarpoq, ikinnerpaamik angallammiittut aqumiut 60 %-iisa uku naammassisi-massagaat:

- Kalaallit Nunaanni inuit nalunaarsorsimaffianni najugalittut nalunaarsorneqarsimasut aamma Kalaallit Nunaanni inuit nalunaarsorsimaffianni ukiut qaangiuttut marluk naallugit najugalittut nalunaarsorneqarsimasut, aamma
- Kalaallit Nunaannut tamakkiisumik akileraartartussaataitasut aamma qaammatisiutit malillugit ukiut qaangiuttut marluk naallugit Kalaallit Nunaannut tamakkiisumik akileraartartussaataitasimasut, tamatumani ilinniarnissaq siuner-taralugu Kalaallit Nunaata avataaniikkallarsimanerit naatsorsuutigineqassanatik.

Apeqquutit 1) aamma 2) pillugit

Royal Greenland A/S-imi aqumiut qassiuneri qiviaraanni inunnit 67-ini inuttalersuisarnermut nalunaarummi § 2-mi piumasaqaatit naammassineqarsimapput inuillu 21-it piumasaqaatinik naammassinnissimanatik. Tamanna ima isumaqarpoq, inuit qassit § 2-mi piumasaqaatinik naammassinnissimangitsut akuerineqarsimasunit 40 %-imik sinnersimangilaat.

28. oktober 2010  
Sagsnr. 2010-040423  
Dok. Nr. 492420

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl  
www.nanoq.gl

Apeqquut 3-mut)

Suliffeqarfik Polar Seafood A/S qiviassagaanni inuit 61-it inuttalersuisarnermut nalunaarummi § 2-mi piumasagaatinik naammassinnissimapput inuillu 20-it § 2-mi piumasagaatinik naammassinnissimanatik. Matumani nalunaarummi Kalaallit Nunaanni inuit allattorsimaffianni nalunaarsorsimanissamik aamma akileraartartussaataitaanermik annikinnerpaamik 60%-mik piumasagaat taamaasilluni aamma naammassineqarsimavoq.

Oqaatigineqassaaq, naak inummit kalaallit aalisariutaanni inuttalersuisarneq pillugu nalunaarummi inuit allattorsimaffianni nalunaarsorsimanissamik aamma akileraartartussaataitaanermik naammassineqarsimagaluartut pineqartoq nunamut allamut Kalaallit Nunaannuunngitsumut sakkortunerusumik attaveqarsinnaalluarpoq. Taamaalilluni inuttalersuisarneq pillugu nalunaarummi piumasagaatinik inuk naammassinnissimagaluartoq imatut isumaqanngilaq, pineqartumit allanut atatillugu piumasagaatinik naammassinnissimasoq nunaqavissutut isigineqarsinnaanissamut.

Apeqquut 4-mut)

Piffissami 1997-miit 2008-mut Paamiuni imarsiornermik atuarfimmi katillugit aalisariutit naalagassaattut 3. grad-imut/kystskipperimut inuit 457-it ilinniartineqarsimapput. Taakkunanga 263-it aalisariutit naalagassaattut 1. grad-itut/sætteskipperitut sooraarummeersimapput.

3. gradimit aalisariutit naalagaattut inuk aquttutut nunap qanittuani angalasinnaavoq aalisariutini 45 meter tikillugit takissusilinni. Pineqartoq naammaginatumik angalanissamut piffissamik naammassinnissimalerpat, pineqartoq nunap qanittuani naalakkatut (umiarsuup naalagaatut) aalisariutini 45 meter tikillugit takissusilinni angalasinnaalersarpoq.

1. gradimit aalisariutit naalagaattut ilinniarsimasoq imani tamani aalisariutinilu qanorluunniit angissusilinni naalakkatut angalasinnaasarpoq.

Inussiarnersumik inuulluaqqusillunga

Ane Hansen